



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五一五

四養齋詩稿三卷 俞正燮撰

一

退菴詩存二十五卷 梁章鉅撰

二一

退菴文存四卷 梁章鉅撰

二六三

歸硯山房遺詩不分卷 劉澂撰

三八七

誦芬堂詩鈔十卷首一卷誦芬堂詩鈔二集六卷誦芬堂詩鈔三集

六卷誦芬堂詩鈔四集四卷誦芬堂詩鈔五集四卷 郭儀霄撰

四〇一

竹柏山房文集二卷竹柏山房詩集一卷附錄一卷 林春溥撰

六〇五

四養齋詩稿 程鴻詔敬題

咸豐二年夏
 姪懋麟校刊

右詩三卷俞理初夫子遺稿也令子懷方屬編目錄令
 姪伯申校字付梓而屬識其後夫子之詩散佚多矣此
 廝有存者竊見夫子於文選有校全唐詩有評一切古
 今人集具有丹墨深於詩者乃能言詩乃能作詩然夫
 子自記則云詩甚不佳已付惜字簞忽見詩中世上儘
 多善悟人句因復存之謙德之光彌可寶貴汪南士夫
 子日記一條云理初先生類稿三十卷爲吾縣山川增
 色復有詩卷何其神勇若此深惟汪夫子之言可以知
 俞夫子之詩矣况於郡邑志乘海內書舊實有關繫乎
 夫子先德訓導君長於隸事駢文載在縣志家學淵源
 尤可述也謹識所聞以詞世之善悟者咸豐二年三月
 朔中表弟子程鴻詔記

四養齋詩稿

跋

一

四養齋詩稿卷一

黟 俞正燮理初

宣城秋夜看月呈司學

晝夜何逐逐萬物各營謀天地有餘惠吾生良易周雅儀
暉吳客嗟來愧黔婁丈夫行四方焉得泯恩仇感懷心局
促挾策重茲遊志長羽翼短凌風不自由仰視河漢闊素
月空際流九州雖云遠朗然共清秋盈虛諒無違駕言消
我憂何庸訪洛市聊用申咨諏

讀陶靖節詩

靖節能慎言久久言竟忘耕鑿義熙後高臥憶羲皇羣輔

四養齋詩稿卷一

亦有錄飲酒賦短章繞指今知柔元爲百鍊剛

讀杜甫詩

杜甫唐賢者能同天下憂俯仰一多累俗論已悠悠大言
非易踐長貧人亦羞平生稷契志不遇豈其尤

讀吳萊詩

元時東南學吳萊獨宏整秀氣鍾深廣詞華自馳騁惟茲
不俗心可以發清省學富理斯融神寒光自炯

讀王文簡詩

文簡真狷介下筆無俗姿養深氣益上元音終不虧乘危
思忠信采春製風詩嗚呼三代還斯人良可師

讀李錯詩

李錯亦俠誤耽閒不作官幽寂生哀怨貧賤悟艱難詩篇
聊寄託一一後代看直尋豈不義枉尺非所安

奉答舅氏程先生桂馥三首

東髮讀古銘譏鼎具深意桑弧射四方鹿鹿爲何事男兒
事業多安敢自縱恣蚤行出門人昧爽感茲誼去去無多
詞不欲聞憔悴

憔悴亦所見十年寒暑更譬彼鴉鵲巢生意隨風傾狂飈
水面起烏鵲自相驚終知松與柏可以託真誠人心豈不
然路遠難爲情

四養齋詩稿卷一

路遠貽我詞詞理何洋洋珊瑚間木難碧珪明月光中有
徑寸珠輝我東西廂因之學長生相從歎未央登車復三
歎握持永不忘

程式金友石旅次夜話

卅載舟車置此身周旋何處是天眞津梁可問新知瘁稱
貸無門要諱貧方朔滑稽單索米虞翻學問豈關人浮雲
世事看常過兩字和平是佩紉

魯道篇

魯道何蕩蕩泰山何巍巍振策行山椒朝陽忽以開蒿里
亦有山鄆都亦有臺古人自棄世神鬼何爲哉敦徠山忽

高東蒙拔地起山路據東偏驅車徑容軌後顧山如屏前
覽山如几峰峰自相屬巔巖直到底濃霈應望施潛沾原
上田莫莫山行雨朝雲色自妍流淙被岡面暑氣靜爲前
宿潤滴與人草木疑皆仙我行值大暑不願逢驢馱欣
夜夜雨午風吹雲去流惡復延清日光常在樹高梁長欲
齊乘障見古戍山中汶水清隔岸小舟橫論說千萬端論
定日猶瞠出山遇渚地湖名古泮城蘭山郭負疎柳青又
前迎官路行旅多居民自賣渡欺此遠行人恐鴛鴦爲蠶
金錢何足念行人自不悟曷不居故鄉勞勞愛行路貧賤
不可爲舟車事可慙莫隨羊牛下朝先烏鵲興辛苦魯道

四養齋詩稿

卷一

三

行蕩蕩自古稱不見蜀道易端由賈中丞

觀潮和王寶雲晉堂

七月到杭州聞說新安山水乾下水乘風猶十日坐觀山
色空長歎偶逢海上鷺窻估送堯東洋行乍浦判教開日
到海壖海外山明月正午龕禱門戶入雲中水由其下出
鴻濛二山欲與海水競海神長歎聲騰空浪起猶得似山
立大小波瀾盡收拾逆浪原從高處行魚鼈蛇龍隨出入
潮信依月月有行天根月窟不荒唐物大自成一天下人
世潮來是異鄉王郎示我觀潮句觀潮目眩未敢賦聞說
新安山水生買舟弄潮從此去隨風直過富春江潮勢過

四養齋詩稿

灕潮亦降山海相逢同一笑餘波送濶上過灕海上奇觀
都似此一浪居然四百里多謝詩人莫浪誇是我家山山
下水 龍今讀龍此讀爲鹿

短歌五章癸亥九月十三日順河集作

行路難行客知行客碌碌不自惜行路作客無已時從古
俳優視竹帛再欲言之顏先赤曳尾僂僂矜奇策古人事
業言封侯何處人家門下客
紛紛債務如塵積今年明年朝復夕心煩口吃無一言出
門泥塗深幾尺艱難此事仗友生貧交無計又空行勞勞
都爲錢刀貴幾時買地事躬耕

四養齋詩稿

卷一

四

慈母手中線遊子身上衣飛塵細下如雨集使我衣服少
光輝桃安過大河大河勢若此水勢洶涌雲氣稠望種麥
者笑不止人家驅牛歸我正驅驢行歡愁雨不謀各各有
前程吁嗟乎天地悵悵真無外止有行人別一派
四弟違客一弟讀書几上文章不敢閱願弟意徑莫荒蕪
跳盪鎮日笑相看誦詩應解愧茱蘭生過十年不爲幼骨
格成時換便難木落天寒又霏霰恍慨出門囊筆硯我是
飢寒傷路人千山萬水隔鄉縣弟耽笑樂兄亦懽但多讀
書好相見

咄嗟出門去千辛與萬苦辛苦備嘗生計何補低聲下氣

事長征客子畏人自匿情世上山海如平地惟有心中自
生疑阻無時平擔簦逢故人爲我具雞黍努力加餐且好
去三十逢時勝爲賈俯仰自思衣食區區自不支他人豈
知我拙劣慰我宛轉置好詞好詞聽初罷賤子無言汗如
雨下

丙寅七月丁沽落水

立身當實地鄰舟焉可倚脚蹠兩舷開魂飛人在水拍浮
我安能有人挽之起楚語短後衣方面亦大耳魂定求識
之渺茫無由紀古聞鄭賈賢斯人無乃是問心永緘銘失
足戒翔履出坎方幸茲處安勉慎彼

四養齋詩稿卷一

五

徽州

兩般騰貴米與錢大業從來說墾田人衆真難爲造物包
蘆已植到山嶺
幾層小閣傍山隈六尺地重三戶開遊客不知人逼反閒
評都說好樓臺
久客難言膽氣粗輕刀自衛費工夫故鄉真覺人情好今
日行蹤不諱儒

桃嶺

前山羊棧後蓮花紅紫白雲嶺上多山裏老樵都識認五
年九度此經過

硤徑

不信山居候清明尙衣裘圖書連搏壁風雨撼危樓密箬
篙飛滯深沙虎跡稠豪情翻閉戶避俗亦悠悠

上灘

十箇舟桅百緯擺舟前長是此煙鬟新安大好止應水留
得行人靜看山

千丈高應到日邊一灘一丈已論千篙師努力中流住今
日方知下水船

漢陽葉先生繼愛栽竹圖

繞屋娟娟脩竹容虛懷肯使我相從昨宵席上呈佳兆五

四養齋詩稿卷一

六

字春雷起籀龍

高淳南湖

荷華盈秋浦盪槳華閒路翠羽飛仍還夕陽在煙樹水面
好風生美人渺何處

句容

城南遊釣處客久認爲家攜酒來郊外尋幽得徑斜寒雲
低竹葉近水有梅花隔岸茅扉掩時聞笑語諱

荆溪道中

莫色蒼然裏微聞哀壑音停舟訪古寺隨意到幽林孤月
感明瑟他鄉多滯注空勞流水曲漚漚落寒岑

淳化司遇雨

纔敬煙江棹仍逢驛路陰山花應笑客去住兩無心

經藏寺山門

石牖青燈伴巢支好春光裏臥多時焚香日日耽閒甚開徧山桃總未知

雪詣孔傳荃性村

曉起清寒劇迴風天際鳴板橋餘展齒深巷有人行束結流澌減山低眼界明主人方啟戶帶雪暖梅英

庚申前四月一日出永定門自石頭莊回車感舊述

遊一首

四養齋詩稿卷一

七

在家無好意出門無所之男兒自可喜遠遊亦何爲遠遊
毫末閒不見淮南山淮南更江南况乃北路寒北上渡黃
河秋風千里波波聲撼孤城落日隔河明西望睢陽道小
住難爲情去去無流戀驅車仍獨行驅車方自今朋會徒
意往馬頭看明月河邊聽擊柝好山謝齊趙桑乾落木杪
木杪見城闌來迎煩故人心事不依人羈縻還一身一身
在他縣梵唄依佛殿佛閣風淒淒夜穴窺狐狸穴風入燈
寒始覺客衣單多謝故人意珍重故人言好言動人心一
言抵千金分屋邀我住天涯故人故誰意初逢者意氣常
相假何地有前緣逢人道我賢納粟成均始國子與觀禮

悲歌莫慨陳人事那能常人事不可常晚蘭及春陽曠野
多風翻蘭草蕭艾繁去歲秋風起大夫往晉壘廉吏宣京
師身後益淒其半樹棠梨花千里鄉關道思舊徒區區謀
生總草草男兒自可喜何必守經史桃梗不自期又聽鳴
咽詞何事最鳴咽生離與死別

七月十八日送歙胡先生梧實樞十七夜同續溪胡

容怡堂石頭莊看月逢旦

深夜天宇闊列宿何礫礫眷言陟崇邱皓月升左海冉冉
見脩堞霏霏泣露彩澄陰淡林木明光汎澤蒞人事有變
遷仰視絃輝改圓靈亦示冲貞履慎叢悔悟彼泉下人道

四養齋詩稿

卷一

八

以成虧宰誰謂音塵遠終疑神理在翠令與蒼寒勞勞僕
夫待哀筵振遠音幽明理默解

送蓬萊葛宗昶悟亭樞迴車作

亭前秋柳短天上濕雲寒意惡非關別看山自不歡

張家灣送汪漪

無聊斗柄又闌干才瀉風湍潞水寒共見盈虛同壩埽不
分佳惡愧儒冠文章投分緣非易貧賤還家事更難今日
蘇成遠送客知君到日憶長安

寒亭

絕轡之野我曾經甘水微波亦未停同是古來爭戰地今

朝風雨過寒亭

望田橫島

行路嗟何久飄然地盡頭車中人自厭門下客堪羞逼仄
關餘境蒼茫貯大流無多懷古意怕說偃師郵

讀管子

編書七略有真傳霸事如君亦赫然讀到白心與內業果
然經濟屬神仙

斜廟小憩見僧善靜前時蕭成善撲戲

秀色蕭生解顧影玉膚花貌髮深靚當年分路各西東白
雲在天遠信梗我從窮海得歸來馳逐風沙亦可哀馬上

四養齋詩稿

卷一

九

生涯衣短後佛前識別目重開少日新城相從戲蹴鞠才
休坐鼓吹縱酒居然朝未迴彈箏猶數夜深至朝朝夜夜
笑相看蓮葉煩持箭拈難俗客心情美樹杞風人消息莫
遮蘭巾車同上金臺路各有因緣不可住提菡蘆源繪淥
陽苦憶低眉從此去自言浪迹到江鄉采薺仍遊水一方
寄食春朝摩玉壘聽猿歲宴下瞿塘剔髮染衣羅漢果襍
被笠裝自負荷斜埤叢祠聊息肩作健醫身常大坐摩訶
突厥憶金輦更說新詞朔拉岸世法何窮嫌磊瑄生天有
路共提攜客亦人間倦遊者單身棲泊知者寡前途無
又征鞍回首紅陽覆蘭若

喬家堂

已入江南境秋山望若何漸嘗瓜蠟重未覺稻田多矮屋
隨堤隱長亭度木頗紅花埤八里天定語音譌

夜從姚家莊泛艾菱湖泊黃家庵

渡河趁輕舟清淮三百里言尋幽客居隔岸問舟子湖光
含莫景蔚藍明一水是日日在翼河漢已西倚菱香出水
上近渠流瀾瀾岸柳拂衣涼櫓過揚復起大魚觸舟行夜
靜躍波裏柁轉忽遶港村村都相似遙聞犬吠聲知有幽
人俟舟子指大橘草庵或在此上隄間督師漁莊亦齒齒
隔岸淮中舟喧闐猶在耳桅巔火耀明鱗櫛自相比乃知

四養齋詩稿

卷一

十

山水中亦復有城市入門告主人幽居此可矣

邢溝大王廟財神吳王夫差也

瑤殿琳宮白玉埤到來喜說送窮時吳無長鬚難驚俗王
有奇懷北耀師商魯濤紆開古道苧蘿清淑隔江湄通天
臺客曾升表昨過淮陰漂母祠

戊辰春登蘇門山憶同鄒平成瑾肅中新城何承壯

履正蓬萊之遊得二十字墨於泉亭

山川同覽眺翔泳信升沈願借孫生獻都成鸞鳳音

舟次上津橋却寄

蛾眉天際素光流有客相思上舵樓不道歸心真似箭爲

君分半繫揚州

清平山水客身單憶我如君欲撇難坐上遙知頻屈指迴書第一望平安

艾菱湖上問舟師多謝劉安雅道持他日重來荷欲老淮南正好桂花時

揚州作

水國荷香影靜娟綠楊讓出早秋天遊人都說湖心好東郭沿濠倒放船

懷臧庸西成

拜經日下重前緣魚雁全疎又四年安見虞翻不賦媚如

四養齋詩稿

卷一

十一

聞劉向本神仙坐中舊冊中人產簾外生寒小雪天愧我鹽壑拋不得西湖風月兩淒然

懷孫彤雨窓

梅枝閣月凍森凝香曳生綃試剪冰述事憶君能挈領考文於古不摸稜寓公池館應添足笨伯車輪擬駐曾料得豪華兼逸興一篇遠證讀書燈

河帥芥航張侍郎自黃河出海夜泊開山詩次韻

敬事德功立知言道義配懿茲出海章載廣府事賴庚寅夏五月海壖親鼓汰帝澤大汪洋神功拓滙潑元戎小隊臨理楫黃頭誠韓寫端倪心蘇尋清淨債薛薄游亦雄

元虛賦無輦氣奮雲雷屯境空日月大潮過沙有壘隄堅

齒無齡聚流指一川懷疑從多喙徒薪先下游履險重剛
夫海若亦人情陽侯本豪概同在天地中豈云門屏外迎溜有滌洞如衣繞中帶湊泊爭高低陰陽分向背流暢識氣舒縛維知舟屈江淮流亦深時或露洲瀨一處聽紆徐終古自滂湃共此千年流再證兩水會水面總無垠水心必有界曠觀悟真詮豐功信不悖或守雲梯關工止關以內散流快須臾偏災忽塵闔理或一可通事乃百有閱上游潰薪樵勿隄數纜挂河昔有尾閭何苦更南邁淮垣讓河居張冠笑李戴同河匪策籌引流有針芥容水疏以寬

四養齋詩稿

卷一

十二

出水急使隘海口河能掣清口淮亦快明月照天衢淮流不破碎公詩望淮歸仙心非謫猶魚龍闕沈潘蛟蜃戢幻態天風送權謳雲帆過舶貝譬彼碣石行古有勤四載贊贊艱艱忙搖搖風水簾叩舷舟能駛破浪水自潰兩尖鄰葦蕩無使變蒲稗昔人所經營今人勿翦敗深利河兵知逸興吳漁話簪紱原風雅帆檣穿雲野旌旆看飛揚洪濤窮翳晦好風忽東南前已開山對乘喜屬吏趨出險天吳怪吉甫有新詩舉德思助愛清風人披拂雅議衆沾丐側聞大江行何如茲遊最江尾亦蹴沙斯理可破昧金焦時急濤兩點鬱新竄江北山不多點綴蜀岡在芒稻及瓜洲

淮已合江派南流勿東流隄埭爲支壤一綫護東隄田疇
慶永泰四瀆自波瀾萬里無苗害宴喜報吉羊順軌謝顛
猥江亦水之宗河實神哉沛靈源迭消長溢流互分殺南
江北河淮到處望麾蓋力擴青紅沙爲蘇默赤紫江河仰
瑤章鴻文勒兩戒

和張河帥送銅鼓焦山歌

江波澄澄山色喜銅鼓今到瞿曇家浮筠斑駁聞吐暈淘
質瑩淨知無瑕校量古度有尺寸摩挲異形記坳窪胥求
能使響鞀鞀六面聲傳短脰藝自隨旌旆發袁浦水營行
隊無侈多是時焦山秋正爽江干初落芙蓉花詩僧老瘦

四養齋詩稿

卷一

三

見拾得長者呵護來毘耶入門禮佛苾芻導分地置器澤
國誇送鼓歌成佛天笑氣凌秋顯鳳出敘時雜清言玉霏
屑安安強句蛟盤拏屬累空王守古物爲證初地留清華
公詩讀罷羣材和攜詞赴節音無差我共銅鼓住五月嘗
飲酒旨啗肴嘉不會看鼓追詠鼓豈免好事人掄擲俗態
或從酒狂出公能容我接離斜生平耳食當日飽不妨學
語學嘔啞我知銅鼓佛寺宜強出一語遠要遮力大應歸
龍與象性同何論鱗與鯨強出一語急告佛我且語畢僧
無譁驚掘羅經說寫履道宣感應記袈裟牛革蠶絲皆物
命楞伽大乘更搜爬似說銅鼓第一義合從公詩籠碧紗

我醉未肯隨睡魅僧閒知復學奔騰周鼎漢鼎雅布施匪
謂此鼓更有加焦仙隱名似莊老楊公勒石嗟鏤鄧喻江
一亭迎仙躡鄰山七塔叢佛牙眞逸高文臨壑鶴名禪頓
悟等突猥此鼓入寺山靈愛亦願僧徒手拊搥更爲遊客
增題目知有佳句徧荒遐方今中外同福壽苗富狎安瀾
豐瑟家能鑄鼓銘刀劍和風遠屆阿黎園內地波恬海龍
願安樂竟昔恒河沙天鼓隨空醒羣瞋思得好語酬僧伽
此時鼓柅眞蕭爽想像明鏡映晴霞公肯放我早歸去先
訪公鼓江之涯

張河帥喜雪元韻庚寅臘月立春前三日也

四養齋詩稿

卷一

五

寒威乍透接春融飛舞吟情雪門工霰積霰消湖有制凱
成敵克卯言豐山南士戲眞霏玉淮上君恩記荷龍笑
指牙旗迎霽日屯田都水總論功

張河帥惠紗葛辛卯四月二十日

輕紗細葛午風餘拜賜都忘禮節疎漆室願教葵恤緯涼
樓閒趁吏抄書承平始覺文章重冷峻眞應被服儲萬事
思量渾不寐荷衣強換待何如

雲臺山臥松圖

磊落嶽嶸有本性積唐鬱怒見眞容古人饒具飛騰氣錯
被人呼是臥龍

山中蒼翠襲人衣
山外那知有是非
多謝蘇聶思稅駕
雲鵬展翮竟橫飛

金鶴臯刺史德政冊子程舅廣文雲翔屬題奉寄

朔風搏涼霰有吏叩柴門
慚煩猶肝飽遠分大裘溫

刺史以十月分廉見惠十一月由皖寄至

刺史今循良方轉朝
天轡借冠吾郡私

甘棠舊所憩吾舅老儒官
情性古處敦興來多談謔事感

或淚痕淚痕何疊疊家難庶
此止昨自郡中歸幸逢金刺

史刺史朝
天歸仍憩舊棠陰愛山重留戀為民時沈吟

沉吟大邑中兼照鄰封事
程宗有貨獄焚若絲不治時久

吏怒信命隕囚哀號公但拾
文書瘞結鑒纖毫飛檄徵羣

四養齋詩稿

卷一

五

從越疆隨檄至入境披仁風
坦然心無忌公出坐堂皇南

造俱來前遺業為平判重獄
為輕滿讀讞堂皇前堂下寂

無語羅拜各鏤膺膺前淚如
雨依戀聽公言勉念先世勤

人各重其業駕福喜方殷手
出一編書分貽意何洽開快

燦琳琅公家四黃甲訟沐仁
人賜書煥文星光愁來忽喜

歸公惠一何長感德舅諄言
拜嘉我遠思借冠吾郡私循

績方述被

四養齋詩稿卷二

熊俞正燮理初

甘崎人寶應宋塹

遺容我拜德基師保齊前廊
遠迤是時秋陰望明霽西

壁突訝嵌嵌寄祺人自言昔
聞完親拾古文置都籠妮古

心情自不支安宜塹壓歸舟
重家傳有閣富圖書金石肅

穆各分幘以塹付塹次之壁
拓文裝池示吾徒多年詩歌

冊忽失重拓徵詩又成帙但
看塹文七百年故家收藏頌

永吉

監江寧府都酒務記天禧二
年八月少府監鑄甘氏

四養齋詩稿

卷二

一

藏

甘君履畝得宋印銅花斑駁
自田畯楷識神似塹塔銘篆

文繆之復競迅都酒務記釋
舊文官酒佳劣議紛紛是時

置府換新印營局應隨建康
軍我因胃弱鎮常醒昔年自

悔長醺酌深知酒德忌立監
却惡酒官妄制梃南宋巡警

侍瓦妖北宋柳杖列坊橋扈
娼誘農兼誘賈此官此印太

無聊萬物一古忘其醜吏自
不佳印何有宋人我愛杜默

豪放量京東飲私酒

癸巳題陳登之罷讀圖

班生錯投筆決絕自云賢筆
札傳陰謀勞勞未投先亦有

陳伯玉辛苦作文章一朝分散之豪名滿洛陽賢豪自有
眞賞郎亦可作巍巍新城郎衣猶朱墨澆讀書守其常罷
讀亦非奇致身苦不早碌碌安可爲我昔聞君賢聞之自
齊映謂言善詞學兼之嫻政令屏幃見君書善氣壓眉頭
持此判民牘竊札亦風流今年米價貴豈止范舟貧拜謁
君家集意美良可珍位置名賢後何必皆玉堂於人苟有
益久久自芬芳君讀亦已久頌言我亦無願君敦民俗耕
織與詩書慷慨作此畫仕學無不可君氣能籠羣索文乃
至我信疑兩參半題茲罷讀圖我看君行時有無幾車書
喜王萊友至黔縣會館閒話

四養齋詩稿

卷二

二

蚌蟬閱日月繁壇頗弄姿何必假羽翼鼓盪使自疲偉哉
造物功致有楚楚時推遷此常運不用曹風悲今年暑雨
涼夏蠅渺何之寓居無簾箔亦不侵書帷感此尋筆硯塋
抹聊自怡王生最博物解字尋根基炎憲肯念我爲說蚌
蟬詩齊物我不能離夏況身羸營營幸未集寫此爛漫詞
何子貞分冊索書作此

何郎愛逸翰搜紙得榜宣使匠表出之疊摺付諸賢各書
得意文亦各謝炎更吟詠近無多筆札尤拘孿塞白愧嘉
約塗鴉愿良箋剝落嗜痴歎增益買菜連蠅癡蟻結迹展
冊笑欲鳴我庭多高樹風雨常喧闐夜來正晴皓朝寒欲

衣綿初日照葉底金碧逗樹巔清暉映憲棧淑氣在簡編
良辰矜持筆書迹彌不妍我憶楷書課棄置已卅年起訖
念矩矱橫直互相牽平康與正直我書獨不然此亦非小
瑕此瑕倘可鐫多謝覽冊人勿笑言箋箋

憶家園梅樹戊戌五月京城作

築垣圍泉樹梅花自矜好萬物同歲寒何意得春早留月
凍有痕熙陽曉出杲香生風定時英秀媚晴昊仰睇愧冬
心生機感大造開春衆芳發繁華鎮浩浩憶爾冰雪姿青
枝倚疎櫟天地開創初禮樂常自葆承平日以久濟蹕盛
冕瑱頗思古時人文章多草草

四養齋詩稿

卷二

三

道光戊戌吳紅生舍人以乾隆丙子閏重九尊祖畫
筵詩冊屬和

懶殘然課心光斂讀書平舒半日閒內翰紅生編詩真似
玉先公峻望況如山重庚八十三年饋愧厠徐星伯龔定
菴蔣子藩句間料得秋來風雨節有人惆悵候江關

張石州龜硯

我懷墨合融且妍扶病添墨意欣然忽憶龜硯銘寶賢明
王堂開騰爲作龜硯稿昔在斜街見此硯龜小栲栳蛇細
線明滿晉府鐫以殉文光復從土中見石州得之重璫與
商以古金尺建初漢慮石壽頓展千百歲龜久蛇地文虛

徐大硯墨多滿玉版疑墨疑雲驚龍臂石州有筆能淋漓
笑我合中墨一醄

奉題舅氏程先生雲翔小照

窗環十畝陰兜率儼堪尋翠羽藏林密龍鱗結蓋森室應
虛白兆塵謝輭紅侵鄰架曹倉外青幽合問琴
凡骨都曾換梅花作伴遊林泉堪笑傲腸詠潮風流卅載
行藏悉三霄盼望優壺天真日永虬幹共春秋

張炯惺齋讀藏經

夫子本通儒意氣何飛越王門一曳裾琳宮來息轍家具
百不愁所喜得經律四種隋志羅三藏唐經列閉戶角生

四養齋詩稿

卷二

四

輪開編口流沫大力負象龍微言析蠓蟻義樹附新詞音
同搜古逸我亦耽奇者入門高興發聞君有日記殷殷勞
筆札禮失求之野豈以方言蹟況君說儒書排比義最密
西方化人言朗朗天行月六丁護君書書稿幾時脫龔風
窻外過天意釀陰雪論古復懷友微吟憶天末劉龔與裴
休名範未應絕挑燈共作梵清響動林樾

江寧寄懷六合下廷松石菴

尋勝方孤往思君復惘然三年勞寤寐一水隔江天倦客
投荒利秋花綴暮烟今朝風信便幾盼渡頭船

題畫

四養齋詩稿

朝來帶笠過南湖檢點秋光入畫圖一夜霜繁催木葉楓
林寥落柳絲枯

題畫

山留遠嶂雲生處水歇回波蘆上初指點江鄉風日好人
生不負是蕉漁

題畫

人在蒼茫下釣絲風清石冷夜歸遲坐看萬壑千巖裏明
月滿山鵲上時

題畫

蘆亞寒塘雁陣斜柳陰疎處野人家收竿且趁東窓睡不

四養齋詩稿

卷二

五

放漁舟破浪花

檣樓六韻

梧桐歌藹士檣樓頌多臣瓊瓊叢方茂芄芄葉正新名桺
留幹木近柞異楓人實有璫垂夏花曾錦綴春林繁非顧
櫟茹按憶披櫟大樹菁莪並天教雨露勻

官塘

篷窗風過送吳歌二月官塘水綠波橫笛一聲初入破柳
枝掩映月明多

寄凌餘昭曉東王喬年松鶴費鏞在東駱三雄問揚
風冷離亭晚單帆挂碧秋幾聲寒雁過明月在山頭後會

期難必前程事各謀客心無着處猶記郭南遊

卽目

好生天地德物類重須臾桑蟲生意好癡絕有蒲盧

有懷汪守基汪夢璋

芙蓉已落雁奴肥未折芳馨不得歸宛水增波秋土感西
風生悵故人遠離懷似病難求艾出世尋醫好佩韋今日
無裳逢楚客始知吾道未全乖

偶作

飽食矜氣骨豪士徧人寰豈賴夷齊節龜勉慎小開猖狂
既得罪自下又赧顏戚戚何能長所叢是謗訕桃李人所

四養齋詩稿

卷二

六

植松柏人所攀重深良不厭棄置義能安從來百丈木不
長禾黍間

曝書

小換芸籤整舊書匡牀親輦下庭除爲他却愧無情思妒
到仙經食字魚

泰安客店曝書

大石推波水上車殘叢卷已蝕龍蛇江山見慣吟懷倦書
籍捐餘記性差布漈今知普高澤網繆幾欲問桑麻江東
米價關心甚臥護繚緗夢到家

江行

瀾漫連天碧中江一葉舟三山麓北顧萬里折東流黃酒
通鄉市生蘆蘆茂成樓海門雄要地翔泊羨沙鷗

讀山左詩鈔和長山女子韻

近水樓臺倒影長紅闌千外碧波揚東風畢竟無才思收
拾春光到海棠

畫裏

畫裏桃花水一灣故鄉風景鎮相關尋源似有芙蓉嶂便
是黔西盡處山

劉父

作壽偏持諛墓金劉生事業亦逡巡丈夫各有難馴性那

四養齋詩稿

卷二

七

便朱門撒野人

戊午元旦

衣食生人資禪元達者慕無益費精神此錯焉能鑄談龍
不得豬纖纖難比素訓詰未能詳望洋自生怖流覽與汎
觀開卷已雲霧身無一藝名栖栖亦所惡珍重後來時流
光不可住

春郊

春樹含芳靄春衣輝近郊廣潦牛蹄漫微風莎影搖雲生
知水脈霽定看鳩巢欲知塵俗遠跨岸抵紅橋

詠畫

春陽啟絹軸畫比故山憐茂蔭青依壁松杉綠近天溪深
人待渡塢邊鳥鷺筵更有訪真者與疑太古年

有感

鴻雁紛飛月滿天當時豪縱是離筵
鵲來走馬燕齊道夢繞關山已七年

思歸

燕語鶯啼苦未休客中歲月竟悠悠
思歸多少關心事不信當年愛遠遊

旅興

局促真堪歎矜持事轉差
征鴻長是客澤楚若爲家壯志

四養齋詩稿 卷二

八

消書卷閒愁開歲華夢中猶笑語不分在天涯

煮菜

開院一庭霜晚蕊芽抱黃微
閒宜膾炙酸或重侯王旨菜多應
蓄勞薪爨不妨憑嫌壑甕古陶甕似江鄉

捉蝨

振衣循綫搜蝨路環剔齧管蝨無數
惟人生蝨蝨依人蝨今憫不知其故
人生實恃天地神福極生死事不倫
臨風却憶玉川子松月自稱蟣蝨臣

補鞍

先生阜輿與人殊五色遞加本色無
慣蹋泥塗侵後踵不

除指甲失前約此時覺錐錐誠重此時說錐錐可頌寶劍
藏鋒莫自嗟鉛刀能割也無用

帳簿

一笑停杯簿共開川流不息幾曾回
六年絕少經營策四柱原堪會計才
含肉有羹猶有遺倚囊無語豈無猜
止應瑣瑣錐刀未食不中豪遂愛財

曹鳳省齋寓舍夜話

懸空寶月照泥塗襖被無從竟曳裙
半刺常懷難管字一宵暫住算移居
雲中時有孤飛雁水上偏驚失隊魚
忽憶墨王亭畔客與君重檢隔年書

四養齋詩稿 卷二

九

與嘉定程如金夜飲

胡牖舊業寄烟霞謀醉仍來處士家
無奈窮愁同閉戶未妨高興又塗鴉
握瑜客在憐披褐采菰功多讓浣紗
紅燭有情開小蕊好傳喜意到天涯

獨有

芙蓉辭夏沼楊柳減秋絲獨有年華惜
炎涼好自知

十月

十月霜寒夜氣清閒情人耳最分明
六坊齊下柳柳鉞辛苦茅簷讀曲聲
京城十坊四在城外六在南城柳柳鉞以
警火燭事同唐書馬周傳之焚鑿鼓宵見
送柳柳鉞帖云連柳帶鉞也

睡起 辛酉六月十三日作

雲氣昏如幕，循簷燕翹飛。雨傳秋信到，貧又故鄉違。乞米書頻負，干人事本非。少年儘踈盪，何事苦長飢。

友人南還爲兩所阻作詩四首依韻酬之

誰絆村夫子，長安住五年。詩狂行脚好，語重道心堅。跋涉人應倦，屠沽事可傳。送君無別淚，我意亦南旋。

夏杪君先去，冬初我亦迴。劇憐三月別，仍訂尺書來。叢桂

山中長噉鴻，澤哀後先憂。樂意慚罷衙，杯

燕子磯頭月。秦淮水上樓，人真成木強。地尙說風流，翡翠

新樓沼。沙棠舊作舟，浮家兼泛宅。前路亦悠悠。

四養齋詩稿 卷二

十

道路傳聞異，那堪共爾談。鄉心同白水，江上滿煙嵐。舉足

桑乾漫淪肌，賑澤草驪駒。歌緩緩相與，坐淒淒

夜又雨

向晚陽波見，居人喜更生。雨心又蹂躪，雲影不分明。屋漏

侵燈盡，蟲驢上案行。郊原多野哭，笳鼓亦哀聲。

食肉詩

王道本人情，艱難肉食名。粗調泥白蒜，好飯配香秬。不敢

忘肩背，因之念友生。朝來風雨惡，悵隔此重城。

壬午京邸題程晚芬舅氏月舫圖卽送令子尹畊南

歸

江鄉美勝樂放棹，足幽探。緬懷漳水上，古木渺藍鬢。秘磔森老桂，葱翠立松杉。開窓俯澄波，倒映天蔚藍。此中堪拍浮，明蟾適棲巖。照此閒淡心，不教熱客僥興至。成獨往，夜景寫清酣。策驥風懷朔，乘船俗問南。願言挹長風，不須稟檄衙。何當邀仙袂，對月爲抽帆。

程振羽舅氏小照成問答體

園亭序次又秋風，仰面無端見塞鴻。最是弟兄皆努力，翻添愁緒亂雲中。

解有思量便不愁，雁行相次鎮無郵。佛緣應笑東坡淺，四海生平一子由。

四養齋詩稿 卷二

十一

送程循陔舅氏之任卽題其囊琴圖

俯視玩清流，仰瞻怡青巖。胸中千萬言，不如不言好。君子達世變，作事厭機巧。載懷靜者心，緘默以爲寶。但觀囊琴圖，音超七絃表。此去魯明江，所職在文藻。倘晤謫仙人，徽音當在抱。

綿棖

秦後徵綿棖，三王禮改觀。從知天子貴，騎項悔前歡。

和韻

一跋河中鼉，三言海大魚。爾真用爾法，吾欲愛吾廬。多事人前語，無聊去後書。但憑鄉國夢，負戴亦胥疏。